



Kristian Jeremiassen
Inuit Ataqaigiit sinnerlugit Inatsisartunut ilaasortaq

01-11-2022
Suliap normua 2022-21154
All. nr. 21543365

Postboks 1160
Oqa.: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

§ 37 naapertorlugu apeqputip nr. 197/2022-p akineqarnera.

Asasara Kristian Jeremiassen

Inatsisartut suleriaasianni § 37 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

1. Qasigianguani nakorsamik kingutillu nakorsaanik atorfinitsiniarneq sumut killippa?

Akissut: 1. november 2022-miit 2023-p ilarujussua ilanngullugu Qasigianguani illoqarfimmi nakorsaqarniarneq nakorsaqartitsinikkut matussuserneqarpoq. Sivikitsumik atorfeqartitsisarnerit assigiinngitsunik sivirususillit pineqarput. 2023-mi piffissat ilaanni atorfiit suli inuttaqanngitsut inuttaqassanngikkallarput, tamannalu Peqqinnissaqarfimmi ingerlaavartumik allannguisoqarniassammat matussuserniarlugit sulipput.

Qasigianguani kigutilerisoqarniarneq kigutilerisunik qaammatit pingasut missaanni sivikitsumik atorfeqartartunit matussuserneqartarpoq. Ukiuni kingullerni pingasuni kigutilerisoqarniarneq patajaatsumik ingerlasimavoq, sulinngiffeqarnerni assersuutigalugu piffissani sivikitsuinnarni kigutilerisoqarneq ajorluni. Maannakkut 1. maj 2023-p tunganut kigutilerisoq sivikitsumik atorfeqartussa qatorfeqarallarpoq. Sulinngiffeqartarnerit pissutigalugit piffissani sivikitsuni illoqarfik kigutilerisoqartassanngilaq. Piffissani tamakkunani napparsimasut kigutileriffimmi sulisut sinnerinit isumagineqartassapput.

2. Sooruna Qasigianguani ukiorpassuit nakorsamik aamma kingutip nakorsaanik atorfinitsiniarneq taama ajornartigisoq?

Akissut: Peqqinnissaqarfik Qasigianguani kigutilerisunik nakorsanillu sulisussarsiorluni ingerlaavartumik suliaqarpoq, kisianni peqqinnissaqarfimmi sulisussarsiniarneq nalinginnaasumik ajornartorsutaavoq, ingammik illoqarfinnut mikinerusunut. Peqqinnissaqarfik illoqarfinni mikinerusuni nakorsatut kigutilerisutullu atorfinnut qinnuteqarfigineqarneq ajorpoq imaluunniit qinnuteqartut ikittuinnaasarput, taamaattumik peqqinnissaqarfimmi sivikitsumik atorfillit atorfiit inuttaqanngitsut matussusernissaannut pinngitsoorneqarsinnaanngillat. Nunani Avannarlerni tamani

kigutilerisunik nalinginnaasumillu nakorsaanerni nakorsanik immikkut ilinniarsimasunik taama amigaaqartoqartigitillugu tamatuma ajornanginnerunissaa ilimagineqanngilaq.

3. Sooruna aasaq manna nakorsaqaqarniarneq ajornartingisoq?

Akissut: 2022-mi piffissat ilaanni Qasigianguanut nakorsassamik peqqinnissaqarfik sulisussarsisinnaasimangilaq, naak sulisussarsiortuaraluarluni. Taarsiullugu peqqissutsimik sullissineq Qasigianguani peqqinnissaqarfimmi sulisunit allanit isumagineqarpoq, Aasianniit telemedicin atorlugu nakorsiatitsisarnikkut Aasianniillu nakorsanik illoqarfiliartitsisarnikkut. Aasianni nakorsassaqaqarniarneq aamma ajornakusooramat piffissaq tamakkerlugu nakorsamik Qasigianguanut atukkiisoqarsinnaasimangilaq.

4. Aasianni ernisarfiup ammarnissaa qaqugu naatsorsuutigineqarpa?

Akissut: Naalackersuisut nuna tamakkerlugu ernisuttunik sullissineq pillugu misissuineq aallartissimavaat. Misissuinermit ilaqutariit erninermullu atatillugu suliaqartartut erninernut sullissinerit pillugit isumaat saqqummersinneqassapput ernisussanullu sullissisarnerit napparsimaveqarfinnut ataasiakkaanut eqiterunneqarnerisa sunniutaat ersersinneqassallutik. Misissuineq pisusaartitsinernut ineriartortitsillunilu periarfissanut arlalinnut iluaqutaassapput tamakkulu siunissami ernisunik sullissinerit pilersaarusiornernut aqqissuussinernullu aamma iluaqutaassapput.

Aasiaat illoqarfittut erniartortarfissatut tigussaasumik pilersaarummik saqqummiinissamat tunngatillugu Naalackersuisut maannakkut misissuinermit inernerit utaqqimaarniarallarpaat.

Med venlig hilsen
Inussiarnersumik inuulluaqqsillunga



Mimi Karlsen